

Schnitzelbanken 2017 General

1. Im Altersheim z`Kaltbrunn gits kuriosi Sachä
Det tuet sichs Gäld - sälbständig mache
Bewohner bestählä ,s`Vertrauä verbi!
Di jung Pflägeri, **wird wohl - ä Lehr drus zieh**
Halli, Hallo.....
2. Am Hess sis Brot hät kei Aklang gfundä
Drum isch der Lade bereits verschwundä
Pizza, und Take Away - sölls bald det mal ge
Für d`Wirte im Dorf - **ä Konkurrenz -chasch gesh.**
Halli.....
3. Amene Sunntig im Oktober - händ er sicher gseh
vor em Hirschä ä Auto-Kolonne - häts ge
D`Lüt gönd id Chillä - und stunet derbi
Än Moler uf der Leitere - **stricht s`Chänzeli frisch**
Halli, Hallo.....
4. Uf üsä Pfarrgarte händ mir stolz dörfe si
Au d`Drögeler händ sich, guet gfühlt det dri
Dä Baum chönä rettä - und Drögeler vertriebä
Dä Rescht, samt Brunnä - **isch ä Fählplanig bliebä!**
Halli, Hallo.....
5. Üsä Waldlehrpfad - es prächtigs Stuck Land
Uf der Holzliege fascht wie am Palmenstrand
Chasch Bäum bestunä und Vögeli gseh
Doch weh, di münd Schissä - **oh je oh je!!**
Halli.....
6. Ächli züsle - en Traum vo jedem Chind
Drum chlauet drü Buebe , Benzin ganz gschwind
Si gönd inen Holzschopf und zündet en a
Führwehr Kaltbrunn,hät - **Freud dra gha!**
Halli, Hallo.....
7. Dä Bolliger Coiffeur -hät gschlossä s`Studio
Bidä Konkurenz vo der Altwies - mag er nümme ko
Dä Schof- Chüni macht - zwänzg Hoorschnitt pro Stund
Als Ersatz bim Speer Bruno - **wärs en guetä Fund!**
Halli, Hallo.....
8. Es Hundehotel - für üsi liebschtä Fründä
im Fischhusen- Quartier - scho bald chasch finde
HundeFlüsterer,Coiffeur oder Zimmer mit Bad
Au d`Bsitzer bringt dä Meier -**uf dä richtigi Pfad**
Halli, Hallo.....
9. Vermissä werdet Alli - di gmütlichi Beiz
S`Chaltbrunner Bahnhöfli - mit ihrem grosse Reiz
Schnitzelbänkler,Turner und anderi Verein
Münd ab Mitti , **Johr-verdurschte ,vor der Beiz**
Halli,Hallo.....
10. Ihr händ jetzä ghört – dass viel isch passiert
Mir hoffet ihr händ – fascht alles kapiert
bi eu chömmer jetzt – mit de Kassä verbi
tüend bitte – **an grosse Batze dri**
Halli, Hallo.....

